



Broj: 01-220/22
Vareš, 27.10.2022. godine.

Z A P I S N I K
sa 1. vanredne sjednice Općinskog vijeća Vareš,
održane 29.08. 2022. godine.

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 1. vanrednu sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, tajnik Općinskog vijeća – gosp. Leon Pavlović, rukovodilac JURA – gosp. Rusmir Berberović i predstavnici medija.

Predsjedavajuća OV stavila je na raspravu prijedlog dnevnog reda za **1. vanrednu sjednicu OV** koji je usuglašen na telefonskoj sjednici Kolegija Općinskog vijeća.

Predsjedavajuća OV uz dato obrazloženje predložila je dopunu dnevnog reda sa tačkom 6. „Prijedlog Rješenja o izmjeni Rješenja o imenovanju članova Komisije za izbor u regulirane organe“.

Nije bilo više učesnika i predsjedavajuća OV stavila je na izjašnjavanje prijedlog dnevnog reda 1. vanredne sjednice OV i nakon izjašnjavanja vijećnika konstatira da **je jednoglasno sa 18 glasova „ZA“** (odsutan vijećnik Mirnes Ajanović) **usvojen sljedeći**

Dnevni red

1. **Prijedlog Izmjena i dopuna proračuna/budžeta Općine Vareš za 2022. godinu.**
Izvjestilac: Općinski načelnik.
2. **Prijedlog Rješenja o razrješenju vršilaca dužnosti predsjednika i članova Skupštine JP i to:**
 - a) Skupštine JP „Vareš-stan“ d.o.o. Vareš
 - b) Skupštine JP „Veterinarska stanica“ do.o. VarešIzvjestilac: Sekretar OV.
3. **Prijedlog Rješenja o imenovanju vršilaca dužnosti predsjednika i članova Skupštine JP i to:**
 - a) Skupštine JP „Vareš-stan“ d.o.o. Vareš
 - b) Skupštine JP „Veterinarska stanica“ d.o.o. VarešIzvjestilac: Sekretar OV.
4. **Prijedlog Rješenja o razrješenju vršioca dužnosti predsjednika i člana Upravnog odbora JU Dom zdravlja Vareš.**
Izvjestilac: Sekretar OV.
5. **Prijedlog Rješenja o imenovanju vršioca dužnosti predsjednika i člana Upravnog odbora JU Dom zdravlja Vareš.**
Izvjestilac: Sekretar OV.
6. **Prijedlog Rješenja o izmjeni Rješenja o imenovanju članova Komisije za izbor u regulirane organe.**
Izvjestilac: Sekretar OV.

Ad. 1.

(Prijedlog Izmjena i dopuna proračuna/budžeta Općine Vareš za 2022. godinu.)

Sekretar OV upoznao je Vijeće sa tehničkim greškama u Prijedlogu Izmjena i dopuna proračuna/budžeta Općine Vareš za 2022. godinu.

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Emir Islamović (*uz dato pojašnjenje postavio pitanje da li je Općina napravila ugovor (o pravu služnosti) sa Eastern Mining firmom i da li su sredstva uplaćena, ispred Kluba vijećnika SDA izjavio je da će Klub podržati ovu tačku dnevnog reda*) i Općinski načelnik Zdravko Marošević (*podsjetio je prisutne da su ove Izmjene i dopune urađene po hitnom postupku zbog realizacije kreditnih sredstava, a sve drugo će biti u redovnim Izmjenama i dopunama budžeta u narednom periodu. Dao je odgovor da Ugovor još nije potpisan, dogovoren je modus. Predmet ovih detalja bit će u Rebalansu.*)

Zaključena je rasprava i predsjedavajuća OV stavila je na izjašnjavanje Prijedlog izmjena i dopuna proračuna/budžeta Općine Vareš za 2022. godinu.

Nakon izjašnjavanja vijećnika predsjedavajuća OV konstatira da su sa **18 glasova „ZA“** i **1 „SUZDRŽANIM“ glasom usvojene**

***Izmjene i dopune proračuna/budžeta
Općine Vareš za 2022. godinu.***

Ad. 2.

**(Prijedlog Rješenja o razrješenju vršilaca
dužnosti predsjednika i članova Skupštine JP i to:
a) Skupštine JP „Vareš-šan“ d.o.o. Vareš
b) Skupštine JP „Veterinarska stanica“ d.o.o. Vareš)**

Nije bilo rasprave i predsjedavajuća OV stavila je na izjašnjavanje Prijedlog Rješenja o razrješenju vršilaca dužnosti predsjednika i članova Skupštine JP „Vareš-šan“ d.o.o. Vareš.

Nakon izjašnjavanja vijećnika predsjedavajuća OV konstatira da **je jednoglasno sa 18 glasova „ZA“** (odsutan vijećnik Šaban Ibrišimović) **usvojeno**

***Rješenje o razrješenju vršilaca dužnosti predsjednika
i članova Skupštine JP „Vareš-šan“ d.o.o. Vareš.***

Nije bilo rasprave i predsjedavajuća OV stavila je na izjašnjavanje Prijedlog Rješenja o razrješenju vršilaca dužnosti predsjednika i članova Skupštine JP „Veterinarska stanica“ d.o.o. Vareš.

Nakon izjašnjavanja vijećnika predsjedavajuća OV konstatira da **je jednoglasno sa 19 glasova „ZA“ usvojeno**

***Rješenje o razrješenju vršilaca dužnosti predsjednika
i članova Skupštine JP „Veterinarska stanica“ d.o.o. Vareš.***

Ad.3.

**((Prijedlog Rješenja o imenovanju vršilaca
dužnosti predsjednika i članova Skupštine JP i to:
a) Skupštine JP „Vareš-stan“ d.o.o. Vareš
b) Skupštine JP „Veterinarska stanica“ d.o.o. Vareš))**

Nije bilo rasprave i predsjedavajuća OV stavila je na izjašnjavanje Prijedlog Rješenja o imenovanju vršilaca dužnosti predsjednika i članova Skupštine JP „Vareš-stan“ d.o.o. Vareš.

Nakon izjašnjavanja vijećnika predsjedavajuća OV konstatira da **je jednoglasno sa 19 glasova „ZA“ usvojeno**

***Rješenje o imenovanju vršilaca dužnosti predsjednika
i članova Skupštine JP „Vareš-stan“ d.o.o. Vareš.***

Nije bilo rasprave i predsjedavajuća OV stavila je na izjašnjavanje Prijedlog Rješenja o imenovanju vršilaca dužnosti predsjednika i članova Skupštine JP „Veterinarska stanica“ d.o.o. Vareš.

Nakon izjašnjavanja vijećnika predsjedavajuća OV konstatira da **je jednoglasno sa 19 glasova „ZA“ usvojeno**

***Rješenje o imenovanju vršilaca dužnosti predsjednika
i članova Skupštine JP „Veterinarska stanica“ d.o.o. Vareš.***

Ad.4.

***(Prijedlog Rješenja o razrješenju vršioca dužnosti
predsjednika i člana Upravnog odbora JU Dom zdravlja Vareš.)***

Nije bilo rasprave i predsjedavajuća OV stavila je na izjašnjavanje Prijedlog Rješenja o razrješenju vršioca dužnosti predsjednika i člana Upravnog odbora JU Dom zdravlja Vareš.

Nakon izjašnjavanja vijećnika predsjedavajuća OV konstatira da **je jednoglasno sa 18 glasova „ZA“ (odsutan vijećnik Igor Hinger) usvojeno**

***Rješenje o razrješenju vršioca dužnosti predsjednika
i člana Upravnog odbora JU Dom zdravlja Vareš.***

Ad.5.

***(Prijedlog Rješenja o imenovanju vršioca dužnosti
predsjednika i člana Upravnog odbora JU Dom zdravlja Vareš.)***

Otvorena je rasprava u kojoj je učestvovao vijećnik Emir Islamović (*ispred Kluba vijećnika SDA izjavio je da Klub neće podržati ovu tačku dnevnog reda jer smatraju da vijećnici ne bi trebali biti u organima upravljanja u kojima donose izvještaje*).

Zaključena je rasprava i predsjedavajuća OV stavila je na izjašnjavanje Prijedlog Rješenja o imenovanju vršioca dužnosti predsjednika i člana Upravnog odbora JU Dom zdravlja Vareš.

Nakon izjašnjavanja vijećnika predsjedavajuća OV konstatira da je sa **11 glasova „ZA“ i 7 „SUZDRŽANIH“ glasova** (odsutan vijećnik Igor Hinger) **usvojeno**

***Rješenje o imenovanju vršioca dužnosti
predsjednika i člana Upravnog odbora JU Dom zdravlja Vareš.***

Ad.6.

***(Prijedlog Rješenja o izmjeni Rješenja o imenovanju
članova Komisije za izbor u regulirane organe.)***

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o izmjeni Rješenja o imenovanju članova Komisije za izbor u regulirane organe.

Nakon izjašnjavanja vijećnika predsjedavajuća OV konstatira da **je jednoglasno sa 19 glasova „ZA“ usvojeno**

***Rješenje o izmjeni Rješenja o imenovanju članova
Komisije za izbor u regulirane organe.***

Shodno svim usvojenim Rješenjima, predsjedavajuća OV predložila je i stavila na izjašnjavanje sljedeći

Zaključak:

- **Zadužuje se Komisija za izbor u regulirane organe, da odmah pristupi oglašavanju i provođenju postupka za imenovanje predsjednika i članova skupština JP „Vareš-stan“ d.o.o. i JP „Veterinarska stanica“ d.o.o. Vareš, predsjednika i članova Upravnog odbora JU „Dom zdravlja „ Vareš.**

Nakon izjašnjavanja vijećnika predsjedavajuća OV konstatira da **je jednoglasno sa 19 glasova „ZA“ usvojen predloženi Zaključak.**

Predsjedavajuća OV podsjetila je prisutne da je na 17. sjednici OV održanoj 30.06.2022. godine, podnesena Inicijativa za izgradnju saobraćajne signalizacije (semafora) u ulici Put mira, na zahtjev auto škola Balta travel, Pezo i Nordabat 2. Inicijativa je dostavljena Općinskom načelniku i Službi za prostorno uređenje na očitovanje. Vijeću nije dostavljeno očitovanje/mišljenje po Inicijativi.

U skladu sa članom 107. Poslovnika o radu OV, predsjedavajuća OV stavila je Inicijativu za izgradnju svjetlosne signalizacije (semafora) u ulici Put mira na izjašnjavanje.

Nakon izjašnjavanja vijećnika predsjedavajuća OV konstatira da je **jednoglasno sa 19 glasova „ZA“ usvojena**

***Inicijativa za izgradnju svjetlosne
signalizacije (semafora) u ulici Put mira.***

Predsjedavajuća OV predložila je i stavila na izjašnjavanje sljedeći

Zaključak:

Zadužuje se Služba za prostorno uređenje da za 19. redovnu sjednicu OV pripremi Odluku na osnovu usvojene Inicijative za izgradnju svjetlosne saobraćajne signalizacije (semafora) od 30.06. 2022. godine.

Nakon izjašnjavanja vijećnika predsjedavajuća OV konstatira da je **jednoglasno sa 19 glasova „ZA“ usvojen predloženi Zaključak.**

Sastavni dio ovog Zapisnika je audio zapis sjednice.

Sjednica je završena u 15.25 sati.

TAJNIK

Leon Pavlović

ZAPISNIČAR

Azra Pijadžer

**PREDSEDavajuća
OPĆINSKOG VIJEĆA**

Mahira Brkić